

UDHËZIM I PËRBASHKËT

Nr. 159, datë 31.7.2026

PËR BASHKËPUNIMIN NDËRINSTITUCIONAL NDËRMJET AUTORITETEVE PËRGJEGJËSE TË MINISTRISË SË PUNËVE TË BRENDSHME DHE AUTORITETEVE PËRGJEGJËSE TË MINISTRISË SË EKONOMISË DHE INOACIONIT, PËR PËRCAKTIMIN E PROCEDURAVE PËR MIRATIMIN E LEJES UNIKE

Në mbështetje të pikës 4, të nenit 102, të Kushtetutës; të pikës 12, të nenit 74, të ligjit nr. 79/2021, “Për të huajt”, i ndryshuar, me qëllim përcaktimin e procedurave të bashkëpunimit të autoriteteve përgjegjëse për trajtimin e të huajve me qëndrim të ligjshëm në Republikën e Shqipërisë, ministri i Punëve të Brendshme dhe ministri i Ekonomisë dhe Inovacionit

UDHËZOJNË:

1. Bashkëpunimin ndërinstitucional ndërmjet autoriteteve shtetërore përgjegjëse që mbulojnë çështjet e kufirit dhe migracionit, dhe autoriteteve shtetërore përgjegjëse që mbulojnë çështjet e punësimit të të huajve, mbi zbatimin e procedurave të miratimit të lejes unike, për kategoritë e të huajve që kërkojnë miratim për punësim.

2. Kërkesa për pajisje me leje unike ose për ripërtëritjen e saj, bëhet nëpërmjet platformës *e-albania*, drejtuar drejtorisë së kufirit dhe migracionit në rajonin ku kryhet aktiviteti.

3. Për kategoritë e të huajve, punëmarrës, të vetëpunësuar, punonjës ndërkufitarë, për formim profesional, punëtorët e shtëpisë, punonjës stinorë, të transferuar brenda ndërmarrjes, punonjës me kualifikim të lartë, vullnetarë, sportistë dhe shërbime kontraktuale, kërkesa shqyrtohet fillimisht nga autoriteti përgjegjës qendror/rajonat i Agjencisë Kombëtare të Punësimit dhe Aftësive (AKPA), që mbulon territorin ku i huaji kryen aktivitetin.

4. Për shtetasit e Shteteve të Bashkuara të Amerikës dhe anëtarët e familjes së tyre, dhe shtetas të zonës Shengen, që nuk janë anëtarë të Bashkimit Evropian dhe që janë me qëndrim të ligjshëm në Republikën e Shqipërisë, shtetasit e njërit prej vendeve të Ballkanit Perëndimor, Bosnjë-Hercegovinës, Malit të Zi, Kosovës, Serbisë dhe Maqedonisë së Veriut, kërkesa trajtohet vetëm nga struktura vendore e kufirit dhe migracionit, ndërsa AKPA-ja i siguron të dhënat për këtë kategori të huajsh të punësuar, nëpërmjet sistemit elektronik.

5. Autoriteti përgjegjës qendror/rajonat i AKPA-së shprehet në sistemin elektronik *online*, me miratim paraprak/aprovim/kërkesë për plotësim dokumentacioni apo refuzim të kërkesës për miratim punësimi, brenda 1 (një) dite pune pas vlerësimit të aplikimit në sistemin e shërbimeve të punësimit, kontratës së punës/ofertës së punës (sipas formatit standard në shtojcën 1 dhe/ose dokumenteve të tjera të nevojshme).

6. Autoriteti përgjegjës qendror/rajonat i AKPA-së, miraton kërkesën për punësim nëse janë plotësuar kriteret e pikës 6, të nenit 74, të ligjit “Për të huajt”, të ndryshuar, kriteret dhe dokumentacionin sipas vendimit të Këshillit të Ministrave nr. 858, datë 29.12.2021, “Për përcaktimin e kriterëve, të procedurave e të dokumentacionit për hyrjen, qëndrimin dhe trajtimin e të huajve në Republikën e Shqipërisë”, të ndryshuar, si dhe duke u bazuar në dokumentacionin e siguruar nëpërmjet konsultimit me sisteme të tjera informatike.

7. Për ripërtëritjen e lejes unike, në rastet kur kërkohet miratimi për punësim, ndiqet e njëjta procedurë si në rastin e kërkesës për miratim për punësim për herë të parë, me përjashtim të shpalljes së vendit të lirë të punës.

8. Në rast se, miratimi për punësimin e një të huaji revokohet, autoriteti përgjegjës qendror/rajonat i AKPA-së, shprehet në sistemin elektronik *online* për revokimin e miratimit për punësim.

9. Autoriteti përgjegjës vendor për kufirin dhe migracionin dhe autoriteti përgjegjës qendror/rajonat i AKPA-së, shkëmbejnë informacione për rastet kur ka ndryshim të kushteve të punësimit apo kur AKPA-ja refuzon të japë miratimin për punësimin e një të huaji.

10. Verifikimi i dokumentacionit të paraqitur *online* për miratimin e lejes unike, bëhet nga autoriteti përgjegjës vendor për kufirin dhe migracionin.

11. Drejtori i përgjithshëm i AKPA-së përcakton personat përgjegjës për aprovimin apo refuzimin e kërkesës në strukturën qendrore/rajonale.

12. Udhëzimi i përbashkët i ministrit të Brendshëm dhe i ministrit të Financave dhe Ekonomisë nr. 3, datë 11.1.2023, “Mbi bashkëpunimin ndërinstitucional ndërmjet autoriteteve përgjegjëse të Ministrisë së Brendshme dhe autoriteteve përgjegjëse të Ministrisë së Financave dhe Ekonomisë, për përcaktimin e procedurave për miratimin e lejes unike”, shfuqizohet.

13. Për zbatimin e këtij udhëzimi ngarkohen Drejtoria e Përgjithshme e Policisë së Shtetit dhe Agjencia Kombëtare e Punësimit dhe Aftësive.

Ky udhëzim hyn në fuqi menjëherë pas botimit në Fletoren Zyrtare.

MINISTËR I PUNËVE TË BRENDSHME
Besfort Lamallari

MINISTËR I EKONOMISË DHE INOVACIONIT
Delina Ibrahimaj

SHTOJCA 1

OFERTË PUNËSIMI/*JOB OFFER*

1. Informacion rreth punëmarrësit/*Employee Information*

1.1 Emri/*First Name*

1.2 Mbiemri/*Last Name*

1.3 Data e lindjes/*Date of Birth*

1.4 Gjinia/*Gender*

1.5 Numri i pasaportës/*Passport Number*

1.6 Data e skadimit të pasaportës/*Passport Expiry Date*

1.7 Shtetësia/*Nationality*

1.8 Shteti i vendbanimit aktual/*Country of Current Residence*

1.9 Email/*Email*

1.10 Telefoni/*Phone Number*

2. Detajet e punëdhënësit/*Employer Details*

2.1 NIPT/*Tax Identification Number (NIPT)*

2.2 Emri i subjektit/*Company Name*

2.3 Sektori i aktivitetit/*Economic Sector*

2.4 Bashkia/*Municipality*

2.5 Adresa/*Address*

2.6 Personi i kontaktit/*Contact Person*

2.7 Email/*Email*

2.8 Telefoni/*Phone Number*

3. Informacion mbi punësimin/*Employment Information*

3.1 Aplikim për herë të parë, rinovim i lejes ekzistuese apo ndryshim i punëdhënësit brenda vendit? /*First-time application, renewal of an existing permit, or change of employer within the country?*

3.2 Regjistrimi i vendit të lirë të punës në zyrën e punës (për aplikim për herë të parë)/*Registration of the vacancy with the employment office (for first-time applications)*

3.3 Data e pritshme e fillimit të punës (për aplikim për herë të parë)/*Expected start date of employment (for first-time applications)*

3.3.1 Periudha e provës (nëse aplikohet)/*Probation period (if applicable)*

3.4 Data e regjistrimit në zyrën e punës (për rastet e rinovimit)/*Registration date with the employment office (for renewal cases)*

3.5 Lloji i kontratës së punës (me afat të pacaktuar me afat të caktuar)/*Type of Employment Contract (open-ended/fixed-term)*

3.5.1 Në rast se kontrata është me afat të caktuar, përcaktohet data e përfundimit/*If fixed-term, specify the end date*

3.6 Adresa kryesore e vendit të punës/*Main Workplace Address*

3.7 A kryhet puna në më shumë se një adresë/vend pune? Nëse po, ju lutemi specifikoni të gjitha adresat ku do të ushtrohet aktiviteti./*Will the work be performed at more than one work location/address? If yes, please specify all locations where the activity will be carried out.*

3.8 Pozicioni i punës/Profesioni/*Job Position/Occupation*

3.9 Përshkrimi i detyrave/*Job Description*

3.10 Orët javore të punës/*Weekly Working Hours*

3.11 A kërkohet që punëmarrësi të punojë mbi 40 orë në javë? Nëse po, ju lutemi specifikoni numrin e pritshëm të orëve shtesë dhe shpërblimin/*Is the employee required to work more than 40 hours per week? If yes, please specify the expected number of overtime hours and remuneration/compensation.*

3.12 Ditët e pushimit/*Days of Rest*

3.13 Paga bruto mujore/*Gross Monthly Salary*

3.14 A do të kryhet puna gjatë intervalit kohor 22:00–06:00 (punë nate)? Nëse po, ju lutemi specifikoni mënyrën e shpërblimit/kompensimit të tyre./*Will the work be performed during the period 22:00–06:00 (night work)? If yes, please specify the applicable remuneration/compensation.*

3.15 Forma të tjera të shpërblimit/kompensimit (specifikohen, nëse ka)/*Other forms of compensation (specify if any)*

3.16 Data maksimale mujore e dhënies së pagës përmes bankës/*Maximum monthly salary payment date through bank account*

3.17 Akomodimi mbulohet nga punëdhënësi?/*Accommodation provided by employer?*

3.18 Punëdhënësi mbulon kostot e ushqimit?/*Does the employer provide a food allowance?*

3.19. Rekrutimi është kryer nga:/*Recruitment has been carried out through:* ☐ Vetë punëdhënësi/

Employer; ☐ Agjenci punësimi e licencuar/*Licensed employment agency*

3.20. Nëse rekrutimi është kryer përmes një agjencie private punësimi, specifikoni emrin e agjencisë /*If recruitment has been carried out through a private employment agency, specify the name of the agency:*

3.21 Detaje të tjera mbi punësimin/*Other Employment Details*

4. Informacion mbi kualifikimet e punëmarrësit/*Employee Qualifications*

Unë, punëdhënësi _____, vetëdeklaroj se punëmarrësi i propozuar i ka aftësitë e nevojshme për ushtrimin e detyrës/*I, the employer _____, hereby declare that the proposed employee has the necessary skills to perform the job.*

4.1 Niveli më i lartë arsimor (nëse ka)/*Highest level of education (if any)*

4.2 Fusha e diplomimit (nëse ka)/*Field of study (if any)*

4.3 Shteti i diplomimit (nëse ka)/*Country of graduation (if any)*

4.4 Certifikata profesionale (nëse ka)/*Professional certificates (if any)*

4.5 Shteti i certifikimit (nëse ka)/*Country of certification (if any)*

4.6 A i nënshtrohet ushtrimi i profesionit një profesioni të rregulluar/të licencuar?/*Is the profession regulated/licensed?*

4.7 Gjuha(t) e kërkuara/*Required Language(s)*

4.8 Çdo kualifikim tjetër ose fakte të tjera relevante për pozicionin/*Any other relevant qualifications or information*

5. Hapësirë për informacione shtesë/*Additional Information*

Nënshkrimi i punëdhënësit/*Employer Signature*

Konfirmoj se i gjithë informacioni i dhënë në këtë formular korrespondon me përmbajtjen e kontratës së punës që do të lidhet ndërmjet palëve, në përputhje me Kodin e Punës të Republikës së Shqipërisë/*I confirm that all information provided in this form corresponds to the employment*

contract to be concluded between the parties, in accordance with the Labour Code of the Republic of Albania.

Konfirmoj se oferta e punës nuk përmban kushte më pak të favorshme se ato të punonjësve shqiptarë në të njëjtin pozicion/*I confirm that the job offer does not contain less favorable conditions than those of Albanian employees in the same position.*

Konfirmoj se punëmarrësi ka marrë një kopje në gjuhën angleze ose të përkthyer të ofertës së punësimit/*I confirm that the employee has received a copy of the job offer in English or translated version of the job offer.*

Konfirmoj se punëmarrësi nuk do të kryejë asnjë pagesë, tarifë apo kosto që lidhet me procesin e rekrutimit, ndërmjetësimit ose punësimit. Çdo kosto e lidhur me rekrutimin mbulohet nga punëdhënësi, në përputhje me legjislacionin në fuqi./*I confirm that the employee shall not be required to pay any fee, charge or cost related to the recruitment, placement or employment process. Any costs associated with recruitment shall be borne by the employer , in accordance with the applicable legislation.*

Kjo ofertë është e vlefshme deri më datë/*This offer is valid until:*

Emër, mbiemër dhe nënshkrim elektronik i punëdhënësit/*Name, surname and electronic signature of employer*